

Ամեն կարգի քաղաքացիները, որոնք պարապում են առուտուրով, արհեստներով, տէրութեան ծառայութիւնով, իւրեանց պարապմունքների արտադրած ուղղակի շահերով չբաւականանալով, ցանկանում են և կողմնակի շահեր ունենալ: Այդ ամենքը իւրեանց ուժի և կարողութեան չափ, իւրեանց պատրաստ ծառայութիւնը յայտնում են զիւղացուն, հոգալով նորա զգեստեղէնների պիտոյքը և փոխառական դրամ: Այդ օպերացիայի մի տեսակը անուանվում է «սալաֆ»:

Քաղաքացին զիւղացուն տալիս է զիցօւք մի օսմանեան ոսկի, կամ նորա արժողութեամբ ապրանք, որը պարտական է մերձակայ հունձին մի ոսկու փոխառութեանը, երկու չափ ցորեան տոկոս վճարել, (ամեն մի չափը հաւասար է այստեղի չորս փութին) այժմեան գնով եթէ հաշուենք մի չափը արժէ մի մէջիդեայ, մի օսմանեան ոսկին կազմուած է հինգ մէջիտից, ուրեմն քաղաքացին զիւղացուց վեց ամսուայ ընթացքում մի օսմանեան ոսկուն՝ $\frac{2}{5}$ կամ 5 մէջիտից երկուսը տոկոս է սաանում: Եթէ վեց ամսեայ ժամանակ 10 մէջիդեան բերում է չորս տոկոս, նշանակում է, որ տարին տասին ութ տոկոս է ընկնում, կամ հարիւրին ութսուն:

Այս ձևը աստիճանաբար սնանկանալու ձևն է: